

INUIT ATAQATIGIIT

Inatsisartuni



3. januar 2019

Inatsisartut Suleriaasianni § 37 imm. 1 naapertorlugu Naalackersuisunut apeqqutit imaattut matumuuna saqqummiuppakka.

Naalackersuisunut apeqqut:

1. Kalaallit Peqqissartut illuanni aningaasat 400.000 koruunit kalaaliminernut atorneqartussatut Aningaasanut Inatsimmi takuneqarsinnaavoq, aningaasat taakku tamakkerlutik atorneqartarpat?
2. Qallunaaminersiniarnermut aningaasat immikkut takuneqarsinnaappat ?
3. Qanoq akulikitsigisumik kalaaliminertortarpat ?
4. Kalaallit nerisassaatsinnik igasinnaasunik sulisoqarpa ?
5. Qerititsiveqarnikkut qanoq periarfissaqarpat, qanoq annertutigisumik qerititanut inissaqartitsippat ?
6. Kalaaliminernik suminngaanniit, kikkut suleqatigalugit, nassitsisarpat ?
7. Kalaaliminernik pisisarnek kiap akisussaaffigaa, kiap aquppaa ?
8. Naalackersuisut pilersaaruteqarpat kalaalimertornerunissamut aningaaleeqqissallutik?

(Inatsisartuni ilaasortaq Stine Egede, Inuit Ataqatigiit)

Tungavilersuut

Kalaallit peqqissartut angerlarsimaffianni, inuit 100 tungaanut ilaatigut nerisaqartinneqartarput (ilaquttat, pulaartullu ilanngukkaanni). Sivikitsumik najullatsiarneranni, arlalinnillu sivilisuumik uninngasimasunik, kemortikkiartoqattaartunillu oqaloqateqarninni paasisakka annilaarutigaa. Nammineq takuakka nerisassat qallunaaminiinerusut. Tamannalu sivikitsumik kalaallip kialuunniit inooqataaffigisinnaavaa. Kisialli sivilisunerusumik, pingaartumik peqqissipallakkusuttuni akuersaarneqarsinnaanngilaq. Nalunngilarpummi nerisassat peqqissipallannissamut qanoq pingaaruteqartigisut. Isikkui, tipai ilami allaat ilusaasa sungiussimasatta qamuuna nukissamik tunisarpaatigut. Taamaattumik isumaqarluinnarpunga kalaalimertornerunikkut peqqissipallannerunissaq amerlanernit anguneqarsinnaasoq. Napparsimasup nammineq qinertanngilaa nunarput qimallugu ungasissorsuarmut katsorsartikkiartortariaqarni.

Apeqqutitta ullut suliffiusut qulit qaangiutsinnagit akineqarnissaat kissaatigaara.